

南
屏
山
人
集

南屏山人詩集卷五

溧陽任端書念齋

江村

傍岼船如屋連家竹映門居人緯蕭荻稚子識
鷄豚晒網依紅樹烹魚飯瓦盆不知城郭事清
絕此江村

溪上

散策騁幽暇行此春溪濱岼色卷芳萊川光動
紫蘋林有擢秀柯水無潛影鱗及茲舒遲日萬

物爭鮮新仰觀天宇大俯玩群思陳自然遺塵
澤何用濯吾巾

城南晚歸

歸興晚蕭蕭南門路未遙殘虹明水驛騎馬度
河橋花暖紅雲豎風清白玉簫微茫遠帆影一
點卸春潮

秦賡梧昆仲招泛五里湖

秦郎兄弟好招我似岑參湖比漾陂濶波流霜
鏡深銀鱗釣香藻玉椀出林檎五里看山近蒼

蒼烟樹沉

游管射山莊四首

七十二峰青春波
芰澤蒸煙巒明
管射圖畫照
吳興白鳥沙邊樹
紅樓物外僧
到來尋石徑
高
處一攀登

二

布襪青鞋好幽尋
興不鮮收帆新
荻浦迎客野
桃枝蒨畝分
楸野村墟護竹籬
依然武陵口
鷄
犬帶仙姿

三

地近黃公里應留隱者居
閒身別城郭生事狎
樵漁扣戶人稀到
栽花月自鋤江湖饒散誕
幾載著叢書

四

結構園池密包環
水石稠橋林千戶熟
魚種五湖秋愛客
鄭莊驛留賓樊重樓
仍憐家醞羨百頃
秫田收

山中七夕

翠微晴後見新秋，風露高涼散晚愁。
烏譚夜枝，絳桂樹，鴛央朝瓦上，針樓天分銀漢。
懸雲浪人倚屏山，望女牛吟罷，錢塘蘇小。
紫蘭香泛月華浮。

半閣雙桂

細排珠穗嫩，數金窰釘層圍滿。院陰風定，只愁
天粟雨，夜寒遙妬月香侵。未妨破夢尋孤枕，剩
好催詩遞一林。珍重淮南小山句，自攀叢樹與
沉吟。

家嚴奉使江右廬江陳涇川明府簡邀
至署喜得省侍賦此

趨庭欣有日明府報書來江自溢城合星臨南
斗迴正須行李發相待片帆開千里看雲意迨
迨著處催

飲芳洲二兄河房

丹楓烏桕曉初霜風物江南郊酒香好飲一生
如吏部勝談經日對中郎晴光四面帆檣見沈
色千重綺縠長烏帽頻欹狎沙鳥不妨高枕醉

為鄉

晚泊雙橋見紅葉

扁舟斜繫白沙堤
江兩江風曲徑迷
何處人家春又老
落紅流出小橋西

高淳湖

沽酒誰為滿眼酤
西風吹雨過平蕪
魚磯隱隱明孤鶩
犢背亭三立晚鳥
歲月鶻心紅葉落
山川回首白雲鋪
羨人日暮遙相憶
幾度寒潮打舳艫

蕪湖

姑孰南朝郡當塗幾戰爭山川公瑾老今古
謫仙名水自齊安下城連建業平荒江翻白日猶
似照軍營

席上聽歌贈陳渭川四首

珠歌一串響玲瓏漾盡桃花扇
庭風筵畔惱他彈薄媚長裙偏學石榴紅

二

金管齊催碧玉杯瓊簫雙和紫雲迴
莫驚花豔

連宵發知向安仁宅裏來

三

駐得晴空幾片雲開元法曲一時聞玉山自共
何人醉座上薰香首令君

四

明府偏饒顧曲情新詞能喚米嘉榮偉髯如戟
風流在解聽陽關第一聲

奉贈潘幼石先生并題小照

元禮歸綸氏侯巴訪太互相逢十年後明月大

江邊老覺詩無敵
談深夜不眠
帟頭誰寫照
能取性靈傳

周瑜墓

江東年少好談兵
赤壁樓船萬古名
一夜秋風吹逝水
獨留高塚對孤城

小喬墓

朱雀桁南度石橋
野棠花落雨瀟瀟
吳儂近是悲秋客
無復閒情問小喬

客愁

客愁那復免，忽更相侵。况是騷人夜，吟殘秋
氣深。青楓明楚岫，黃葉繞霜林。不待啼猿過，偏
傷宋玉心。

宿含山僧舍

來非參白足，閒愛入東林。安穩禪床夢，清涼貝
葉吟。人隨孤磬定，夜覺萬山深。水月看無著，分
明共此心。

項王廟

項王席嘯方未已，帳底先聞楚歌起。美人夜半

淚花紅遺廟千年枕江水鴻門燭光照白日王
斗一雙空怒毀項莊有劍不殺人至今遺恨重
瞳子江東雖小尚足王垓下天亡信然耳得時
失時虜鼠兮英雄自古嗟如此君不見昨日劉
郎歌大風赤帝還隨白蛇死咸陽原廟飛秋烟
砒礪雲荒一千里

金龜口同陳渭川渡江

同食館前人送行橫江波浪雪山明遙憐樂府
吳聲曲不比荊州下水程天借西風高白日帆

晚晴
隨飛鳥過臺城
同舟仙侶兼才子
好咏餘霞對

白下懷古四首

天關牛頭漫寂寥
江城春浪動春潮
嬌媒射雉還芳草
三月葦鳥又柳條
紫蓋黃旗空廢壘
青絲白馬認何朝
多情獨有秦淮水
一片盈二過板橋

二

朱雀航南路欲沉
鷄鳴埭口月長新
馬臨瓜步

無行跡龍卧鍾山不計春啼鳥一聲亡國恨東
風如夢六朝人蘭成留得閒詞賦腸斷江南家
後身

三

伯業銷沉王氣終後時猶唱水中龍金星酒喚
何人勸玉樹歌憐絕代容千載飄零奈何帝五
更遙斷景陽鐘南朝烟水長干寺乞食僧歸特
地逢

四

盡堞青山白下門春歸南浦接新林
難憑語燕留王謝偏倩飛花弔古今
野岬清溪桓尹笛高樓明月女郎砧
齊梁才子餘金粉閒想晴霞繡玉岑

河水乏酒感賦

沙岬凍鷓鴣河水曉合時臘光春未破
酒盞醉空持淡日生寒渚霜林隊遠枝
誰為耒陽令芳醞獨相遺

春初暮雨

春送黃昏雨微兼靜夜風灑來塵共細潤遣雪
俱融酥影侵芳樹寒花暈玉虫朝看畫塘上新
漾碧空濛

官莊

水在沙市帶烟林夕靄朝暉映玉岑竹裏人家
門巷碧籬遶鷄犬柘葉陰春田高下連方罫遠
澗琮琤響夜琴古路東西車馬客徧看來往是
閒心

瀨江古蹟二十首

金瀨弔古

瀨之濱野曠而水平相傳伍員過此乞食有浣溪女濟以壺漿員回顧女即自溺負後投金報之即此地也有祠荒涼頽塌自唐李白作貞義碑銘後而臨流弔古者前後不絕云

水竹森蔽麝菰蔣紛藜苳野僻人少過景清心
獨會一向投金瀨翻思溧陽尉

南屏古樹

南屏山去邑南十里兩山對峙如屏故名山有新舊兩寺新寺萬曆末年建香火絕盛舊寺則唐貞觀元年所造今之佛像猶其遺也寺門列壺皆奇古夏日垂陰望若深巷杳然入勝

黛色張屏風嵐光疊晴巘唐年紺相留古樹虬枝變滿地生綠陰坐來成獨戀

滄嶼平池

邑中之勝獨誌滄嶼係晉謝眺考槃處

故一名謝公渚平池廣濶而紆曲可以
運舟山陰徐渭過此題詩名柳浪堤
淪連互滌泗中洲見滄輿謝公無復來徒懷行
樂處鼓棹沿春流天低郭門壺

洮湖漁唱

洮湖去邑東北三十里為江南五湖之
一澗漾無際澳網賈帆隨波上下諸峰
如畫真勝觀也環湖側而處者凡數萬
家而藜灘蘆渚多成阡陌矣

朝日理釣筒，流波春瀾泚。
鷗沙漁唱遠，荻蒲鳴榔起。
一棹五湖人，桃花引流水。

瓦屋歸樵

瓦屋山去邑北九十五里，即唐李白登北湖亭望處也。山側有峽，驅車其間，蒼

翠欲滴

深谷相蒙籠，幽林澹延與。
寒碧侵衣裳，煙霞帶檐宇。
晚徑荷樵歸，霏霏濕山雨。

青龍洞壑

循瓦屋而在七里亂石躡伏有青龍洞
深窈莫測屏屋橋梁皆天設馬太史益
河鵠書洞口題為第一洞天右有白馬
洞險窄不可入以故青龍獨得名臨川
湯顯祖慕而來游有詩

蒼 = 鎖崖扉確磣爭極擁窠窠出斤斧造物遺
搏弄何當鞭聿龍遠入華陽洞

雙坏帆影

坏山孤立洮湖中是為大坏舟艫夜行

不辨遠近山僧樹燈於頂望以為識去
山半里又有小坏煙龕相望彷彿金焦
烟鬟翠亭亭雙立洮水上宛如大小孤彭蠡遙
相望夜帆何處歸林外風燈颺

夏林古藤

夏林去邑南五里溧多名園夏林為最
太倉二王記此園為江南第一古藤繞
樹如龍蛇起伏不可端倪

藤身無歲年屈作蒼蛇蟠青天落風雨白日吹

陰寒我欲此陶暑挂衣層林端

銅官飛澗

銅官山去邑南五十五里竹箭之羨亞
於會稽山徑蒼涼可悅居人緣澗而處
澗闊數丈驟雨至則水聲濺二奔赴萬
壑深山若有江河

銅官碧玉流漾分燕尾修竹水聲中居人湍
影裏漱石可忘年琮瑋聽不已

石巖深塢

由銅官而上六七里為石巖山益深險
入者欲忘身世若桃源然

絕塢無人到良如北山北草木含香氣潭石搖
空淥誰高遯世心於此成茆屋

三鶴眠雲

三霍山去銅官十里誌云有三仙跨霍
而去山高入雲表溧之第一峯也帶豹
出沒風雨窈冥曷非遺世豈可往哉

深山不知遠漸入迷行踪穿林多虎跡策杖愁

雲峰白鶴一朝去仙人安可逢

天井流泉

天井山去邑八十五里山岩有流泉如
兩珠純二洒瓴甌下俯平池澄瑩如鏡
好事者構一軒對之軒甚小有四人可
昇之而動登者見此泉即擬觀止而返
天井在山頂路陁不可上攀蒙茸二里
乃見井焉井分大小二峽小峽名一線
天大峽名僊門狀如城關對峙又如巨

斧劈石劃然中開高數十丈廣倍之大
峽中有一木直起千尺枝葉扶踈覆峽
頂游人坐其下仰視如蓋

大井儼削成何人構靈跡絳關分相對繡黛看
蟠積影落明鏡中千年起秋色

霓虹夜月

邑南半里群流奔注有雙虹亘其上月
下望城堞煙火與蒼山相映帶亦郭外
一勝也自官吏送迎設郵亭置厨傳而

此景遂俗矣

橋甑晴虹垂一雙
明遠飲湖月淡瀾
渺野思紛縈引流
光正徘徊幽人不成寢

大石龍洞

大石山去邑西十五里
誌云有聖母產龍於此
龍每歲一朝禱雨輒應
下有龍池上有龍洞即
在大石中唐李白有遺
跡邑人彭謙重鑄之

秋潭披金沙濕蟄凝
硎戶蘿懸隔溪月春
暗平

池查龍子夜歸來沈沈起雲霧

芝山恠石

芝山去邑八十五里山無片土似一巨
石鏤空忽起忽仆玲瓏奇幻巧匠所不
能琢共有三十六洞非熟遊者入其中
罕得出焉有僧抱薪入洞至深廣處林
之山外人見三十六洞皆烟出邑令李
光祖恒游焉題為瀨江靈秀今為令者
如守箴吏罕得與民相見於泉石間矣

岩洞三十六鬼斧勞雕鐫鯨鰲之屬巖中有玲瓏天嘗恐忽飛去驚起壺中仙

巧石仙踪

巧石浜離城五里舟從雙橋行過其側望之石執陰森挽舟而上其山亦平坦而山麓層層皆石嶙峋萬狀如從太湖飛來者中有一潭巉岩環繞唐時有仙人道院李翰林畱題已失之矣馬孟河詩云神仙第宅無烟火太史文章半艸

萊石上大書令人景仰

宛二青瓊瑤峻二琢山骨心與澄潭空興值秋
風發謫仙招不歸徒抱雲間月

三塔寒光

水之散漫而為衆流所聚者俗名曰渰
溧有數渰三塔其一也昔宋周必大吳
郡錄云舟過溧陽行七十里至三塔院
院在水中元豐時劉誼作記三塔者僧
伽過江造塔至此為第三耳有寒光亭

可眺望今塋無存院無存亭亦無存惟
蒼茫一片水耳讀必大錄可為三塔留

一古蹟

滄水秋茫茫清晨獨暇眺塔影沉花支陂聲亂
沙鳥悠然寄蕭曠散賞知多少

竹墅滄浪

竹墅距城只隔一關渡關而出即墅門
矣萬竹叢中繞一水翼然臨其上者滄
浪亭也坐卧亭中思所以題之曰歎昔

人水竹平分四字之妙

飛湍帶竹林
壁色長陰
籟響踈月下
牕秋孤
岫深道遙
此何極
還和滄浪吟

方山石馬

邑西八十里界於漂水有方山焉松江
僧印林飛錫此地築精舍甚麗山有泉
有洞寺門有石如馬又有十八墩舊傳
張道陵嘗欲得此山坐一墩數之遂少
一墩及起則依懸如數乃怪而捨去

寺與塵世隔但聞鐘磬聲香二洞門古澄二泉
竇清白石間自卧倚從秋風明

茨山別墅

是園皆有梅花而尋梅者必於茨山以
其樹古也查古則老幹離奇不獨花之
爛熳矣園截山腰之半而成層折高下
皆因山勢游人不獨游園兼之游山登
高四望會心自遠

精廬結山楹踈軒抗風榭苔石無今古複磴藏

高下暗香何處來
人夢羅浮夜

梅花樓

相國耽邱壑
高樓玩物華
竹林今捨宅
梅蕊又飛花
小徑思行藥
閑僧共煮茶
不知清坐久
滌外日將斜

賦得暫醉佳人錦瑟傍

石城艇子迎桃葉
北里佳人號莫愁
春日春風正飄蕩
落花枝樹好淹留
瑟絃多覺情難盡
酒盞深知意未休
枉戀朝衫負行樂
金鞍何事不

來游

題嚴秋水昭君出塞圖

風沙漠漠關生練，萬里天山雪花暗。青塚魂歸
夢不歸，畫圖猶識春風面。西師傳色工寫神，意
惜嬋娟別深殿。不貌燕支入漢宮，不繪班姬咏
團扇。却寫明妃初出塞，二霜邊草增悽戀。貂裘
蒙茸雜文錦，毡車麗輶隨華幟。單于親迎勤顏
色，名王夾侍懸弓箭。龍堆走馬月痕落，雁磧鳴
駝海波濺。胡女絳鞞靴踏鐙，媵姬繡袂垂垂鬢。

中間馭裏驕欲嘶蛾眉宛轉成微眄含顰凝淚
低不語意似回頭望鄉縣蕭關漸遠城影沒毳
帳斜開雲色亂低籠玉腕窄長袖琵琶未撥腸
先斷絕域無花春不到楊柳秋黃冰作岸紅顏
一去掃紅藍能使東風發嬌姿曲中千載空復
傳遺恨誰曾譜幽怨嚴君手好兼有心極態爭
能出妍變開觀尚想出宮時遠嫁飄零為三歎

虎邱

舞鶴迷吳市埋香認虎邱花開僧自老劍去水

空流畫舫春風屐銀騮醉客樓闔閭遺墓在魂
魄想来游

試劍石

片石平分斷因傳試劍名尚疑絃欲合渾似削
初成風雨青天碎莓苔赤甲生湛盧飛去久席
氣枉縱橫

千人石

生公講臺下紫玉古墳邊兒女千人石笙歌夜
月圓繞來深澗水坐徧小涼天自此呼名處相

傳更幾年

吳王井

梧宮秋色老舊井說吳王穿後無年歲看時冷
雪霜汲多銀綆斷鬣澁土花香便恐連東海蛟
龍直下藏

響屨廊

西子吳宮裏嬌嬈記昔年空廊傳響屨微步欲
生蓮羅襪盈一屢文綦故一妍春游忽無跡餘
砌合荒煙

龍舟行

五月五日臨江湄吳兒歌舞張水嬉
本知舊俗出荆楚招屈亭下留遺祠
千年故事動江左姑蘇城外閶門西
是時梅雨飛乍歇天氣涼若秋澄暉
紅榴蟠枝火雲重紫蒲獵葉風斂披
江波一片浸空色百頃紺滑堆琉璃
畫橈繡鷁來者誰雙船八槳打棹齊
莫羨錦幔千尺圍花鼓百面椎靈輦
蜃樓恍惚翔絳氣海霞雜沓翻金支
群龍衙衙嘶尾馳睢盱鱗甲髯髮髯
咿嗚龍吟

吹龍角天矯雲霧爭躩踞傾城來觀絃綵服珠
簾却捲神仙姿宛轉不斷千虹蜺乍如夫差軍
水犀聲喧瓠激波浪壯船迴岸轉青紅迷水仙
幽宮亦潛出彷彿羽蓋駢蛟螭絲籊管急歌笑
亂沙沉藻沒鳧鷗飛中流打鴨爭競渡翠帆桂
檝交紛靡使船如馬舟鷓擊不弔西子從鷗夷
青山雁齒啣白日綺櫳燕尾穿朱扉須臾歸去
大堤上晚風揚柳情依依汀花不動蕈紋碧粉
塘十里連雲低

病中喜劉无咎見訪

漳濱卧病劉公幹
秋雨彈琴馬長卿
嬾慢詩筒拋酒盞
陰岑簾箔鎖愁城
何人更問維摩疾
入戶偏欣裏飯情
閒掩蕭齋破窠窠
日酣風細篆烟清

南屏山人詩集卷六

漂陽任端書念齋

梁溪留別一二知己

星是春宵聚帆隨別浦分香生才子筆花暖窈
娘羶落月殘鐘寺滄江一樹雲清歌筵畔急黯
黯惜離群

橫林

風吹雲氣薄蒼翠滿高岑水漲跳魚急沙沉立
鷺深客愁當落日人語亂空林去住情懷惡悲

吟不自禁

渡江

倒景帆檣上微風兩岸平雲低山塔迥波動夾
江明鼓角臨沙戍漁燈帶水城從來多古意此
日更含情

紅花鋪阻雨

朝雨濕行旌征人惜去程馬蹄官道滑旅屐暗
苔生近魯酒常薄過淮泉不清無因豁孤滯閑
喚短歌聲

漢柏

武帝升仙跨白龍尚留霜柏對秦松當時獨有
五車石不肯登山看畢封

唐槐

種時省是開元歲霜雪侵尋直至今謂是岳靈
長養護龍拏風雨殿門陰

涿州

塞水乘乾急分流到涿州人懷漢時郡天接薊
門秋戰伐餘前代畊乘變古邱皇都原近拱何

必望京樓

秋夜咏懷

秋色蒼蒼起暮林
西山遙帶鳳城陰
聲和急雨聽初迥
燈倚虛窓夜共深
故里音書吳苑樹
舊游花鳥蜀江濤
年華流水看玄髮
寒雁迴時意不禁

九日花下

臺頭重九日
籬下菊花開
手解持螯樂
人非冒雨來
落英看插鬢
浮玉不辭杯
何似龍山會
風

流隋帽田

蘆溝橋送友思舍弟南歸

陸機兄弟拂征衣今日看君獨自歸
官柳河橋人更別曉風殘月雁初飛
鄉心共擬連宵發病客偏憐遠道違
若到江南報消息鳳城烟杳思依依

癸丑元日紀夢

佳夢誰曾聘元辰曙景舒天風吹浪屋碧海立
鯨魚恍惚聞鷄後驚迴爆竹初僂肩有佳讖匠

診定何如

柳絮四首

杜陵詩裏憶鋪毡謝傳庭中擬撒鹽
穆徑故教渾似雪因風何許不成綿
十分晴色濃酣酒萬樹春心暖化煙
屬玉觀中侵曉過無邊縈拂錦連錢

二

漾漾依空點客衫微微成陣撲珠簾
太嫌飄蕩難拘束才著飛揚便綴粘
連院吹綸飛靄霽池

塘流水夜萍添誰家更有江南思
願倩歸來燕
子唧

三

駘蕩和春欲住難纏絲如夢兩無端
烘騰曉日
輕迷影絆挽游絲別作團傷路沾泥慵不起
夾
城堆砌懶飛殘纖一片無人惜
贏得長條惹
畫闌

四

欲下垂垂却倒拈別魂離思本相貪
揆無評泊

心先亂已嫁陰沉態尚慙
捲地不知拋擲後漫天猶覺
往來堪十尋更恐虫書葉司
馬秋風滿漢南

下第南歸平原道中值費雨亭昆仲北
上

卻說休論桂蘇卿正攬裘曰君好兄弟為我洗
牢愁吳客向歸去王孫且壯游平原督郵在猶
得暫遲留

舟中

嶼花堤柳送行頻
五兩雙船放纜新
山色過江迎我笑
晴光當晝與人親
酒杯若局蓬牕靜
帆鼓郵籤水驛春
柁底青蛾作吳語
不知飛浪下雲津

山雨

淅淅頻雲齊
喈喈百鳥啼
霏霏暗林岫
颯颯點沙溪
雷靄凌檐笋
苔翻沒屐泥
人間高閣夜
泉響別峰西

華芋園先生招看杜鵑

蜀中萬樹看曾徧，連內經春也復開。
花似有情增掩映，鳥如多怨共徘徊。
羅裙污酒紅偏絳，袖啼斑暖自裁。
多謝詩仙早相喚，高吟應傍醉
邗來

雨霽

晴色上高樓，明窓映碧油。
峰排宿雲出，江帶遠天浮。
書帙幽堪晒，琴絃慢欲收。
晚來兼豁爽，涼月近簾鉤。

送劉无咎之任嘉湖道

畫橈翼鼓羨君行
吳越山川約早迎
春引鳳毛翔北闕
霜隨龍節向江城
親情正得劉惔妹
鄉里曾追馬援兄
到日開樽傾下茗
為煩千驛寄烏程

賦得久雨不妨農

農事江村足
溪田梅雨過
不妨霑潤處
偏傍黍苗多
蘸水青千嶂
披煙綠一蓑
歸人望茆屋
晴色上林柯

舟中聞蟬

深查鎖孤舟溪紋舳艫流一聲清自引五月淡
如秋踈覺風相咽涼知葉共幽夕陽鳴不已扶
棹惜夷猶

河亭晚興

野色平如掌孤亭入晚煙人歸臨水渡蟬噪欲
涼天鳥沒青山外風輕白紵前滄浪有遺曲歌
罷興道然

水東

我家瀨水東地勝心更遠幽營無冬春野眺恣

晝晚挹村溪流光淨淥不可沈飛橋細路通古
陂深樹偃舟迴恐意迷客到或忘返南山藹竒
姿岿亭出珪琬登樓日初沐麗矚增繾綣悠然
淡冲襟卽此成高蹇

塘下偕子和三兄步歸舟中

溘溘湍秋塘菱花一水香時依沙岸立遙踏畫
堤長鷺聚圓蒲宿人吹白苧涼聯翩歸步屣蓬
廔月微茫

庭中香緣

種向炎州得清分橘柚林嘉苞重襲玉雙樹對
垂金落翦供幽事登盤入麗吟芬香動書案應
是著霜深

雪霽

啼鳥曉相樂已知晴色多清光出岩壑寒翠結
煙蘿村小鷗千點江空畫一蓑開庭掃蓬徑遙
待酒人過

題趙氏河房二首

半迴朱檻繞行雲低放湘簾隔綺塵雙槳易迷

桃葉渡春波曾照六朝人

二

牕子玲瓏上水晶春風絃管不曾停
殢他紅袖多才思故著鍾山作畫屏

王侯巖庶常招飲

江上春風吹柳花金陵朝雨亂啼鴉
翰林文彩看前輩上日芳樽對物華
白社敢詩龍腹貴新聲時倚雁筇斜
功曾多怨無佳詠却負澄江一片霞

白容道中

白曲尋真隱華陽訪舊踪春迷騎馬客風送渡
溪鐘人去雷平館天青閣阜峰茅君借白雀思
把碧芙蓉

丹陽苦雨

雨暗江南岬鐘沈郭外亭斷崖迷赭色薄霧濕
青冥野店花初發高樓酒半醒牕風吹浙漉羈
客不成聽

毗陵逢故人

憶昨幾回別相逢仍此時不煩千里駕知富百
篇詩泉響惠山雨春生臨水枝還空共山簡醉
倒習家池

將過青山莊值雨不果

平泉社裏千林石金谷園中萬樹梅謝眺青山
臨戶牖庾公明月滿樓臺到門野客能騎馬入
塵春風待舉杯何事楚天雲雨隔到日仙袂却
飛迴

吳閩女郎行

闔閭城遣雞唱早金閨門外橫塘曉楊柳千行
啼乳鴉裙腰一道生芳草蘸水龍烟十萬家家
家養女勝桃花盡偷秀嶺裁眉細早學濃雲縮
髻斜濃雲秀額照春愁雙翦明波一寸秋鏡遣
弄影全多態簾底窺人別是羞當筵喚出香風
繞十三年紀偏憐小淺著春衫妬面紅花枝未
定餘嬌裊玉軸琵琶金鳳槽紅牙檀板碧鸞簫
春娘教與同心曲蘇小傳將字舞腰何人得意
求傾國不惜明珠拋一斛俱飛蛺蝶本多情解

逐雙棲復雙宿杜牧尋春十載餘未逢桃葉過
江初織二枉覓彈箏手空說銀刀好鱸魚

竹枝詞四首

春山啼鳥日出時游春女兒歌竹枝竹枝聲
喚羈客有情何似鷓鴣詞

二

枇杷門外斑竹多巴童巴女竹枝歌洞連波浪
楚天闊行人一聽奈愁何

三

長羣幅疊朝霞斑一尺高梳髻插山烟裏相呼
採茶去笑聲顛倒拾金環

四

弓腰處處踏陽春獨自今年臉暈新日暮歸來
大堤上拗取花枝贈別人

北征留別諸同人

吳波燕岫三千里秋月春花第幾回計吏追隨
汝南椽少年慚愧洛陽才亭分暑色孤煙起帆
帶蟬聲綠樹催為感同心惜離別更從岐路重

徘徊

晚泊

沙際片帆落滄江
低遠天舟人然楚竹
野飯饌霜鱖荻岸
吞孤渚汀花弄暝烟
篷牕坐瀟洒新月
見初圓

露筋祠

舟過邵伯埭人說露筋祠
水國喧蚊蚋荷花宿
鷺鷥樹槩承露冷蕙蓋倚風遲
那不隨湘女歌聲續楚辭

漂母祠

瀨上沈江女，淮陰漂母村。
千年俱太息，同解重王孫。
亭長憐當日，屠中詎足論。
竟誰知國士，惟有婦人恩。

清江浦觀魚

過雨上河魚，朝光動碧虛。
銀刀翻潑刺，玉尾跋紆徐。
入網何由得，臨淵興未踈。
莊生在濠上，相對且蘧。

天妃閘

洪流送飛輓危閘劃波濤篙柁驚三老荆揚急
萬艘雲花翻溜下邪許上船勞水府偏深黑蛟
龍莫怒號

舟中抱病

酌酒金蕉葉煎茶竹火爐舟居如屋裏藥籠及
時湏向曉端無賴經秋或少蘇輕身看得意泛
泛水邊鳧

靜海不晤彭二荆山却寄

不見彭明府端令過客愁飛鳧向何地繫艇自

清秋別意那教寫
征途惜暫留
詩篇憑問訊
為覓寄書郵

天津

賈舶連檣接粉闈
綺羅燈火照芳春
幾年碣石淪滄海
千里黃河下析津
三月垂楊調馬路
一堤明月打漁人
長安北望雲霞近
偏接河東郡
縣新

喜晤彭三映臣

異時王法護難弟
得僧彌主簿
江東秀神仙
葉

縣知官回名士貴醉與故人宜莫恠經年別者
君鬢未絲

送費雨亭之任太和

應對雙松坐獨吟送君南下洱江津碧鷄主簿
為僚友赤斧仙人作比鄰滿縣枕榔迷孔雀幾
村銅鼓賽蠻神遙知傲吏無多事時岬洞明源
酒巾

題潘迪民小照

海仙高榭早涼含簾卷燿波十幅藍間與題詩

報桐葉藕花香裏憶江南

雨後登陶然亭

虹卷西山雨鶯啼上苑花城春迴北斗亭曉霞
層霞眺迥凭金地晴光散玉沙東風起芳樹徧
暖萬人家

擬游西山不果

馬頭晴色見西山岫岫珊瑚樹杳煙靈草暖風
深石徑香臺銷雪寫雲泉忽一塵事惟相通短
短流光倍可憐辜負寺門壇柘路夜遙金磬定

諸天

白丁香

丁字簾前丁子香
露含風咲及春忙
蕊多借雪輕相聚
纈軟垂烟醉共光
枝上瑣翻瑤粟
瓊闌前清妬玉卮
娘拍環錦帳從教索
樂府詩中枉斷腸

紫丁香

一院珊珊罨曙輝
叢綃偏鎖窠柔枝
鏡中修靡璫痕小
戶外昭容袖態垂
簾底依稀成屈折
梢

頭空解結相思館陶人去千年後剩有殘粧印
盞脂

晚宿索氏園亭

粉侯西漢平陽宅車騎東都奉輦時圖函仙靈
開沁水洞房雲氣訂品池辟邪眠對廬山塚翡
翠窺殘玉樹枝今日置身行樂地朱門閒鎖綠
楊絲

棗花

纂二憐無數清香落砌勻細開仍似葉垂實憶

東鄰側帽閒庭晚吟詩小樹春齊侯滄海上今
日問何人

送陳渭川之任達州

候吏相迎入蜀川翠屏風裏踏華鞵須知刺史
光連帥莫道西南路八千盧橘香垂官舍後海
棠開到戟門邊忠州常侍詩初就一部江雲送
管絃

石榴

根移安息遠花熟小庭曛
齒駘珠密高房帶

露醺啄空幽鳥下懸響隋堦聞白馬多甜實心
知不及群

陳星齋中翰以文待詔書冊見示

異代衡山老揮毫舊有神墨酣香白練花發照
青春絕手懷前輩何人許亂真惟應鳳池客筆
訣受來新

早秋咏懷

池上輕陰過薄雷一番消息入秋懷已涼天氣
將辭輦欲雨心情更倚槐騎省寂憐人似壁步

兵安得酒如淮雲羅萬里三湘遠漸看連天雁
影排

秋夜憶高三維清

秋陰連古城秋樹波濤聲微雨坐來歌一樽無
限情雁迴霜菊晚烟外夕楓明苦憶高書記雙
魚未許烹

送瞻萊兄之東平

千里赴東平相尋阮步兵騎驢初到郡殘雪滿
孤城魯酒且復醉燕雲空有情宵來薊門月應

傍旅人明

無題十首

深 = 珠箔麝煙濃
紅粉樓西院落重
輕颺越犀
雙翡翠明銜秋鏡
兩蟠龍影貪悵望
斜臨水眉
為工愁別作峰蜀
兩峽雲俱是憶
長帶慵寄繡
芙蓉

二

芳樹陰 = 隔桂窻來偏無路
去非遙乍窺月
郎曾聞咲暫出花前
不耐嬌海上蓬萊移島榭
天

邊風浪迫河橋飛璫笙管參差斷夜夜多情自
碧霄

三

一片風香送好春霏霏仙靄散金塵明珠翠羽
凌波約霧鬢烟鬟解佩身幾疊幽情傳錦瑟三
生私字點羅巾桂舟迢遞湘波濶莫向黃陵遠
閨津

四

別館啼鳥促夜絃前溪歌裏思華年碧山迴舞

休猜鳳玉井同心本是蓮蜂暖定知腰併細柳
長應想倦俱眠闌干幾曲千回首贏得朝朝是
可憐

五

宮樣新粧取次成日光釵鬢兩交明半裁竹葉
接裙帶遙映桐花認釧聲省識矜持行處影難
銷依約去時情芝田可是無人到惟見風簾漾
水晶

六

百勞東去燕西迴車後萱枝杳未來長短眼波
終易遠歲華心鎖鎮難開春寒為怕銀箏澁夜
悄惟憑蠟炬催腸斷王昌覓消息依依愁上竅
高臺

七

罨畫金塘十里斜春衫騎馬踏紅沙木蘭洲外
明妃宅青粉墻迢迢道韞家唾袖凝香留鏡檻臉
霞侵曉落牕紗一雙條脫何時寄惆悵神仙萼
綠華

睡起無聊病酒時殘芳經雨一枝枝雀知警別
原多怨蠶解離愁但有絲天濶正將人共遠江
深猶恐夢過遲屏山誰著亭亭倚偷把紅簫獨
自吹

九

離思風波往復還悠悠經日繞連環春潮向夕
偏無信曉月如鉤只自彎
縑好可曾勝意密書
長終覺新情難若為遠望通巫峽低盡巴丘萬

疊山

十

女沐珠樹拂雲齊
鸞學嬌歌鳳穩棲
奈可玉郎
依白石無端三妹住
清溪楚蘭香重秋仍結
湘竹痕多曉更迷
託意微波竟何日
相攜好好上
丹梯